

جریدہ علمیہ

مشیت جلیلہ اسلامیہ ناک جریدہ رسمیہ سید

شوال ۱۳۳۷

عدد ۴۷

آیدہ بر نشر اولنور

بشبحی سنہ

تبریک، خاطر لرینی تطیب ایدیکیز. اولریکیزه کلوب عالمه کز افرادینه عین صورتله معامله ایتدکن صوکره آرتق کوزیکیزی، قلبکیزی باشقه یرله چویریکنز. ییقلمش اولری، سونمش اوجاقلری، کندیلری تطیب وتلطیف ایده جک باہلری، قرده شملری شو دقیقهده غریق خون شهادت اولدقلری حالده حضور الشیده تجلی جمال مظهر اولان شهیدلریمیزک ایتم واراملنی دوشونیکیز. اولرک قیریلش، خرد وخاش اولمش قلبلرینی تعمیر ایدیکیز. غیر ارادی باشلر آقیدان کوزلرینی دست شفقتکیزله سیدکیزه تأثرلرینه اشتراک کندیلرینه قدر ممکن ایشه او قدر معاونت ایدیکیز، حتی سزده اولرله برآز آغلائییکیز. ایشته سز دن الهک، پیغمبرک ایستدیکی بودره یوقسه خودکامانه حسله مغلوبتله بو کبی یچاره لرك آلامه بیکانه اولق، یکی اثوابلر کیوب نفیس شکرلر، لندیز یکلر یه مک، جاهلانه تبرجلر، خافلانه قفرجلرله شوراده بوراده وقت کچیرمک دکلدیر.

بو یله یاه جق اولورسه کز هم جناب حق، هم بی نوعکیزه، هم نفسکیزه قارشى دیناً و اخلاقاً ایفاسیله مکلف اولدیفکیز اسلامى، انسانى وظیفه یی ایفا ایتش، الهک، پیغمبرک رضائى تحصیل ایله مش اولورسکیز.

جناب حق جمله امت محمدی سعادت و سلامته مظهر، نیجه نیجه اعیاد سیدنه ک ادراکیله مشرف، رضای الهیسنک تحصیلنی موجب خیرلی ایشلره موفق بیورسون آمین.



دارالحکمة الاسلامیه طشره تشکیلاتی

قره حصار صاحبد متشکل دارالحکمة الاسلامیه انجمنک موعظله حقنده اتخاذ ایله مش اولدینی مقرر اتدر :

۱ — دینیز دین فطریدر. انسانلر ایشه برخلوق اجتماعی ومدنی بالطبع اولدقلرندن دینیز اجتماعیات، سیاسیات، اقتصادیات تماماً جامعدر. اسلامیت «اتمالؤمنون اخوة» نعی ایله بتون عالم اسلام آره سنده همومی برتساند واربتباط اعلان ایتشدرد. بالخاصه دین ایله ملت، دین ایله دولت توحید ایدلشدرد. اسلاملق مالئک و خلافتی طاشیان دولتمزک

اسلامملڪ اڪ بويوك ناشري اولان دولتمزك بوكونكي پريشانلق حالنده كلمه توحيدى
 ڪيترن بوتون مسلمانلوك بربرلينه دها صيقي برتساندى، دها صاغلام برتشاركى لازمدر.
 بوكون پارچه لانا اسلاملى يكانه دولت اسلاميه قالان مقام خلافت، دشمنلوك دها زياده
 آياقلى آلتنده قالور. اكر مسلمانلر بربرليني قرداش بيلمزلر ايسه اكر دين اسلام
 ايله مشرف اولانلر ملت و دولتك اهميتي بيلمزلر ايسه .

مسلمانلره اوكره تيله جك اكه اهميتلى و قدسى حقيقت بودر. (خلاصه) : واعظ
 افنديلر اسلاميتك روحى، ديند اشلريني قرداش بيلمكده بربرلرينك الم و حظلرينه مشارك
 اولمقده ايدوكنى دائما ايضاح ايتليدور. على الخصوص جمعه، جماعت، حج، زكاتك سبب
 و حكمت مشروعتيني بيان وايضاح ايدركن بو حقائق مهمه بهمه حال پريش ايدلمليدور.
 « لا يؤمن احدكم حتى يحب لاختيه ما يحب لنفسه، من سعى حاجة لاختيه المسلم وله
 فيها صلاح فكأنما خدم الله الف سنة » مآلندهكى احاديث نبويه دن اصلا تغافل ايدله مليدور.
 ۲ — دينز دين فطرليدور. حقائق دائما حسن سليمه، عقول بشره موافقدور. نه عقائد
 اساسيه سنده ابنائيليمه جق بر ماده نه ده، طبع بشره گران كله جك بر تكليف يوقدر
 (لا يكلف الله نفساً الا...) .

قرآن عظيم الشان مشركيني آفاق واعيان و انفسه نظر ايتمه ملويله معاتب طوتمشدر.
 آفاق واعيان ايسه عقلك خارجنده اوله ماز. عقلك خارجنده ڪتيبيله جك دلائل ايسه
 قرآن كريمك روح و اصولنه منافيدور. بناء عليه عقل و منطقك قبول ايتمه جكي و حواس
 سليمه نك ابا ايدمه جكي شيلردن اجتناب و بقدر الطاعة البشرية منقولات شرعيه و مسائل
 اعتقاديه و عمليه يي ادله عقليله ايله ده تنوير وايضاح ايتليدور. عقل، مثبت شرع، مؤيد
 اولديغى نظر دقتدن دور ايتيوب ارکان ايمانك و شروط اسلامك بياننده دلائل عقليله يي ده
 ترفيق ايتليدور .

۳ — دينز دين فطرليدور. دينز اخلاق ايله برلشمشدر. اسلاميتك قبول ايتديكى
 اخلاق ايسه اكه اول بقاى نفس ونوعى ايجاب ايدره انسانلرى ملك دكل، انسان اوله رق
 نظر اعتباره آير؛ پاشامسنى، هم ابي پاشامسنى، حلالندن اولدجه بوتون حظوظات ماديه
 و مشنويه سنى استكمالى تحسین ايله كورير. (نفسك مطيتك قارفق بها) و بوكا مقارن
 اوله رقى حب غيرى طلب ايدور.

آنی یاشامسنى بيلن بر مسلمان قلبي بوتون قرداشلرينك ائلى ايله تتره. حظى ايله لذت بولور. قرداشلرينك ائلم وكدريه متأثر اوله جق مسلمان چوق وقت كندىنى اونوته بيلير وقرداشلرينى دوشونير؛ او اوغورده ائلدن كافى ايتاردن چكمنز. استعید بالله (ويؤثرون على انفسهم) نهايت اوليله دقيقه لر كليركه بالخاصه ايچنده بولسديغمز زمانده اولدينى كچي فلاكت هموميه وعظيمه عظيم وشامل بر فداكارلىنى ايستر. قرداشلرى، قرداشلرينك اولاد وعيالى ايچون حياتى ايتاره قدر كيدر. واعظ افنديلر، حقيقى مسلمانلرك ارتكاب وتنزل ايدميه چكى كبر، احتشام، كين وغرض كچي فنا اخلاقلرك تشريحنى اهل ايدم بيلير. تا كه اك اهم اولان حس فداكارى يى كافى درجه ده تلقينه وقت بوله بيلسينلر.

۴ — دينز دين فطريد. بومعلوم اولان حقيقى ايجه تكرر ايتدك يالكنز دينزى بيلمينارجه بو مجهولدر. بونلر اسلامى اديان سائريره قياس ايدرك خرافات، حكايات، حسدن وعقل ومنطقدن خارج بدعت دينى ظن ايدرلر. بك زياده حزن ايله تأسفه دكر كه بو ظنى برارزه بزايستميه ركدن تأييد ايدرز. بى اسرائيل حكاياتى عقل وحكمت وقنون ومشاهدات معاير تلقينات وبعض موعظه كتابلرينك مصنوع روايتلرى آره صيره واعظ افنديلرك درسلىرى تشكيل ايتديكى كورولمشدر. شهبسز دينزايچون بوندن بويوك قتالق اوله ماز. امام غزالى حضرتلرينك بيوردىنى كچي بونلر امانه على الدين ايدم لم ديركن جنايه على الدين ايتمشلورد. بزه قرآن كريم وحديث صحيح توكمنز بر خزينه در. بونلرك خارجه چيقمفه احتياجز يوقدر.

مسروداتمزى مواد آتیه ده تفسيق ايتك قابلد

— مطالب —

- ماده ۱ — انما المؤمنون اخوة نص جليلى درسلك قسم اعظمى تشكيل ايتليدر. تا كه بوتون دينداشلرك آره سنده عمومى بر تساند حاصل اولسون؛ معاونت، شفقت، خيرخواهلق، منافع مليه اوغرينده فداكارلى حسلى تيمه اولسون.
- ماده ۲ — مغلوبيتمرك اك بويوك سببى عالم اسلامده كى تفرقه در. هر مسلمان ائلدن ديلندن، قلمندن ايحساب ايدرسه قلنجندن كلديكى قدر بو تفرقه يى ازاله ايله مكلف طوتيلمليدر. (واعصموا بحبل الله جميعاً ولا ...) اصلا اونوتولمامل.

ماده ۳ — اسلامیت سیاستی داخله قرداشلق، خارجاً بو قرداشلقی غایت صاغلام برصورتده کوستره بیلیمکدر. اسلام دولتی بو اولوب بونی ایسه مسلمان فردلری وجوده کتیره جکشدن دولت اسلامیه بی ترصین ایچون فردلری قرداشلق فکرله یتشدیرمک لازم اولدینی دائماً تکرار ایدلملیدر .

ماده ۴ — عقیده سندن و عملندن مسؤل آنجق صاحیدر . امر بالمعروف ونهی عن المنکر دن ماعدا خصوصاً تده بر مسلمانک کیمسه نك حرکاتنه قاریشمغه صلاحیتی یوقدر هله بالخاصه صلح و سکون ایچنده یاشایان و هر هانکی بر ملتیه منسوب اولورسه اولسون خرسیتانلرک حقوقه حرمت و عرضی، ناموسی، مانی محافظه کندی عرضمه، ناموسمه، مالز کبی لازم اولدینی اطرافیه ایضاح ایتلیدر .

ماده ۵ — اسلام اقتصادیات حق و عدالت اوزرینه مؤسسدر . آلیش و ویریشده، استحصالده، تقسیمده حق کوزه تیلیر و عدالت یرینه کتیریلیر . (ویل لاه لطفین) سورة جلیلله سی اطرافیه ایضاح اولملی، فقراده زنکینلرک قرده شی بونلرک شرعی حصه لرینک تمامیه ویرلسی دنیوی، اخروی الزم اولدینی الحاصل ماله تعلق ایدن اون عدد احکام شرعیه نك بلا نقصان ولا کتم اداسی متعتم ذمت بولندینی ایجابی وجهله توضیح و تفصیل اولملی .

ماده ۶ — اسلامده عقلدن خارج اعتقاد یوقدر . نقل دائماً عقلک نظر تفتیشنه وضع ایدیلیر . ماتریدی مذهبی اعتقادده دائماً عقله اهمیت ویرر . عقائد دینیده مسلمانلرک عقللرینه و حسن سلیملرینه مراجعت اولملی و حسن و قبح مسئله سنده مذهب حق کا ینبی ایضاح اولملی .

ماده ۷ — اسلامیتده عمل هر دیندن بسیط ودها ساده در . مسلمانلره فرض اولان بش وقت نماز، صوم رمضان، زکات، هجیدن بحث ایدرکن بی لزوم تفصیلات و تکلفاته کیریشمکسزین یسروسه دولت کوسترملی (یریدالله بکم الیسر . . .) آیت کریمه سی (بشروا ولا تنفروا . . .) حدیث شریفی دائماً تخطر اولملی .

ماده ۸ — اخلاق خصوصنده نه حیثیت انسانیه بی مغل، نه ده وسع بشردن خارج تلقیناتی ترک ایتمک لازمدر . اک زیاده استقامت، اعتدال، تعاون، صرحت، حمیت، منافع ملیه اوغرنده فداکارلق، اقتصادک لزومندن، اسراف و تقتیر، بخل، کذب، غیبت،

نیمه، بهتان، افتراء، سعایت، زویرات، فحور، شارلاتانلق، شهادت زور کی کناه کبره و اخلاق رفیله دن تحذیره صوکه درجه اهتمام ایتلیدر .

ماده ۹ — بوتون مسلمانلر بیلملی که اسلام عقل و حسن سلیم دینیدر . عقل و حسن سلیمدن خارج مباحث اسلامدن خارجدر . (کلم الناس علی قدر عقولهم) درپیش اولغلی .

ماده ۱۰ — تفکره ، خلوص قلبه ، اسلامیت قدر هیچ برشی اهمیت ویرمه مشدر . بر ساعت تفکر درجه سنه کوره برکون ، رسنه عبادتدن خیرلیدر . تفکر ایسه عظمت الهیه و اصاف سبحانیه دأثر اولاندر . بوتفکر انسانی تصفیه و اخلاق الهی ایله تخلقه سببیت ویره جکسندن مسلمانلری بوکا تحریض ایتلیدر .

ماده ۱۱ — واعظ افندیلرک همملرینک بویوک بر قسمی ده اسلامده حادث اولان فکری ، علمی ، اعتقادی بدعتلرک تا کو کندن ازاله سی اولمیلیدر . بو خصوصده اک قدسی معیار قرآن کریم و حدیث صحیحدر . بونلرک خارخنه ممکن اولدینی قدر چقما ایلیدر .

ماده ۱۲ — بو عصرده فن ، ذکا پک ایلری کیتمشدر ، آرتق خرافات ، معناسز حکایات ، مصنوع روایت عقل و منتطقه و نقل صحیح صریحه مفایر معلومات واهیته نك ضرورن باشقه بریشی یوقدر . واعظ افندیلر بویله شیردن اجتناب ایتلیدر .

ماده ۱۳ — وعظ و نصیحتدن غایه و مقصد اعلی تبلیغ احکام الهیه و احیای سنت نبویه و تهذیب اخلاق انسانیه اولدیغندن شخصیات ، سیاسیات ، فرقه حیلک کی اغراض و احتراصاندن توقی ایله وعظک و بولوندیغی محک قدسیت و اهمیتی دأئما محافظه ایدلمیلیدر .

ماده ۱۴ — ساده حقائقک ایضاحی ذهنلره برتمب و فتور کتیره بیلیر . آره صره تنشیط اذهان و انبساط وجدان ایچون مسلمانلرک لایق بر خزینه سی اولان قرآن کریم بو خصوصده کافیدر . تنشیط اذهان ایچون صیره سی کلدکجه قرآن عظم الشانک و آنک تفسیری متابه سندله اولان مشوی شریفک قصص رامثالی ایضاح و ایراد اولمیلیدر .

ماده ۱۵ — ترغیب ، ترهیده غلظت و خشونت اقوالدن مجابته (فبأمره من الله لت لهم) (فقولاه قولاً لیناً) اسرار شادربانی سی ایله جذب و جمع قلبه صرف مساعی ایلیدر .

ماده ۱۶ — برملتی برلشدیرن ، بربرلرینی سود برن عواملدن بری ده اعظمیلیدر . مبالغه صراحت ایدلمکسزین بونلرک فداکارلقلری عبرت ایچون ، نمونه امتثال اولمق ایچون ایضاح اولمیلیدر .

ماده ۱۷ — انبیای عظام و صحابه کرام و سایر اعظم اسلامك نام عالیترین تعظیفات
لائقه و تمییرات و اوصاف جمیله ابله یاد و تذکار ایدوب شان والالربنه قیصه ایرائندن قطعاً
حذر ایدملیدر .

ماده ۱۸ — انجمنمزا اساسات مسروده دائره سنده موعظه لر ایرادینی مسلمانلارك
خلاصی ایچون ضروری کورمکده اولدیفندن واعظ افدیلك همتلرینی رجا ایلر .



اورخان ایلی قضاسی داولحکمة الاسلامیه انجمنی ریاستندن وارد اولان تحریرآنده ،
خلقك ضروریات دینیہ و مکام اخلاقیهیه ترغیب و تشویق و تربیة دینیہ لرینك تحکیم
و تقویہ سی ایچون موعظه لر ایرادی خصوصنده ائمه قرانك اکثریسنك اقتدارسنلنی نظر
دقته آله رق بوجهتك تأمین ضمننده ایکیوز اون ایکی قریه بی حاوی اولان قضا ، اونوز
یدی منطقه یه تقسیم و هر بر منطقه یه صفات و شرائط لازمه بی حائز فخری و سیار واعظلر
تعیین و ترتیب ایدیله رك رمضان شریفك ابتداسندن اعتباراً ذوات مومی الهمك منطقه لر
داخلنده متمکن اهالی اسلامیه لك هر صورتله تنویر و ارشادیته بذل مقدرت ایله مکده
بولندقلری اشعار اولنقده در .

